

**“Cjantâ e zuiâ cun Maman!”
Inte suaze de “Festa della Mela”, apontament ARLeF pai plui
piçui**

Ai 17 di Setembar, un dopomisdì di zûcs par furlan

Inte suaze de “Festa della Mela” di Tumieç al torne “Cjantâ e zuiâ cun Maman!”, un apontament une vore spietât cun Daria Miani e il mont colorât di Maman!, il program tv in lenghe furlane che ur plâs une vore ai fruts. Sabide ai 17 di Setembar, a tacâ des 15.30, sot dal tendon di place XX di Setembar, si podarà cjantâ, zuiâ cu la “Ruede de Fortune” e divertîsi cul laboratori di piture. Ae fin, ducj i participants a varan i gadgets de trasmission, che la sô setime stagjon e tacarà ai 7 di Otubar, plene di novitâts, piçui amîs e une gnove rubriche par zuiâ cul furlan e cul inglês!

Maman! e je une trasmission televisive pe infanzie in lenghe furlane, risultât di une coproduzion de ARLeF e di Telefriuli (canâl 11 dal digjitâl terestri). Un contignidôr che i piçui telespetatôrs a amin tant, siôr di rubrichis, cartons animâts, leturis, musiche e zûcs, cu la conduzion di Daria Miani e che si indrece ai fruts de scuele materne e primarie. Un format che ur da mût ai fruts di imparâ, divertîsi e cressi cu la lenghe furlane e che al permet aes fameis di podê contâ suntun program che al stice la creativitât e la curiositât midiant di un metodi ludic e educatîf plurilengâl. Propit chest format, fat di zûc e didatiche, al sarà proponût ae “Festa della Mela” a Tumieç, par un dopomisdì plen di divertiment, par furlan!

Udin, ai 12 di Setembar dal 2022

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<